

Vjerovjesnikove, s.a.v.a., poruke kod nastupanja mjeseca Ramazana



Imam Bakir, mir s njim, je rekao: "Allahov Poslanik, s.a.v.a., pred dolazak mjeseca .1 Ramazana, kada su bila preostala još tri dana od mjeseca Šabana, rekao je Bilalu: 'Pozovi ljude!' Ljudi su se okupili, on se popeo na minber, izrekao pohvalu i zahvalio Bogu te rekao: 'O ljudi, zaista vas je ovim mjesecom Bog odlikovao, i on vam je stigao; on je prvak mjeseci; jedna noć u njemu je bolja od hiljadu mjeseci; u njemu se zatvaraju vrata Vatre, a otvaraju kapije džennetske; onoga ko ga dočeka pa mu u njemu ne bude oprošteno neka Bog udalji od milosti Svoje; onoga ko bude sa svojim roditeljima pa mu ne bude oprošteno neka Bog udalji od

milosti Svoje; onoga u čijem prisustvu budem spomenut pa ne prizove na mene blagoslov
[Božiji i Bog mu ne oprostí neka Bog udalji od milosti Svoje.]”[1]

U djelu El-Kafi se prenosi od Džabira, koji je prenio od Imama Bakira, mir s njim: “Allahov .2
Poslanik, s.a.v.a., se licem okrenuo prema ljudima i rekao: ‘O ljudi, kada se pojavi mlađak
mjeseca Ramazana okuju se buntovni šejtani, otvore nebeske, džennetske i kapije milosti, a
zatvore se vrata Vatre i uslišava moljenje. Bog u njemu u vrijeme svakog iftara (vrijeme
okončanja dnevnog posta) ima one koje oslobađa od Vatre, a glasnik poziva svake noći: Ima li
nekog ko išće? Ima li nekog da traži oprost? O Bože moj, svakom ko dijeli daj naknadu i
svakom ko škrtari daj propast. A kad se pojavi mlađak (mjeseca) Ševvala vjernici budu pozvani:
Požurite svojim nagradama, pa ovo je Dan nagrade.’ Potom je Ebu Džafer (Imam Bakir), mir s
njime, rekao: ‘Tako mi Onog u Čijoj je vlasti moja duša, nije to nagrada ni u zlatnicima, ni u
[srebrenjacima!]”[2]

Allahov Poslanik, s.a.v.a., je rekao: “Mjesec Ramazan je mjesec Boga Svevišnjeg; to je .3
mjesec u kojem Bog umnogustručuje dobra, a briše loša djela; to je mjesec blagoslova, mjesec
traženja oprosta, mjesec pokajanja i mjesec opraštanja; to je mjesec oslobađanja od Vatre i
dobijanja Dženneta. Zato, izbjegavajte u njemu sve zabranjeno! U njemu često učite Kur'an,
tražite ispunjenje svojih potreba i budite zaokupljeni sjećanjem na Gospodara vašeg! Neka vam
mjesec Ramazan nipošto ne bude kao neki drugi mjesec, jer on zaista ima u Boga svetost i
prednost nad ostalim mjesecima! Neka mjesec Ramazan, vrijeme vašeg posta, nipošto ne bude
[kao vrijeme kada ne postite!]”[3]

.El-Kafi, sv. 4, str. 67, predaja 5[1]

.El-Kafi, sv. 4, str. 67, predaja 6[2]

.Fedailu-l-ešhuri-s-selase, str. 95, predaja 78[3]